



Trek

①

"HISTORIA E TIJ"

Awana®

1 East Bode Road
Streamwood, IL 60107-6658 U.S.A.
awana.org
(630) 213-2000

© 2017 Awana® Clubs International

1 2 3 4 5 6 22 21 20 19 18 17

Scriptures taken from the Holy Bible, New International Version®. NIV®. Copyright ©1973, 1978, 1984 by Biblica, Inc.™ Used by permission of Zondervan. All rights reserved worldwide. www.zondervan.com.

ISBN 978-1-943238-62-0

kri-ji-mi
emër

1. të prodhosh diçka, të shkaktosh ekzistencën e saj akti i të krijuarit; i sjelljes në jetë
2. fakti i të qenët i krijuar
3. diçka që është krijuar apo ka qenë krijuar
4. Krijimi, shfaqja fillestare e universit nga Perëndia
5. bota: universi

Përkufizim i marrë nga Dictionary.com

Një herë e një kohë...

Shumë kohë më parë...



Në fillim...

DISA NGA HISTORITË MË TË MIRA të shkruara ndonjëherë fillojnë me këto fjalë. Ato nxisin imagjinatën dhe të përgatisin për një histori të mrekullueshme. Gjatë javëve në vijim do të studiojmë fillimin e historisë më të mrekullueshme, që është treguar ndonjëherë. Do të flasim për historinë e krijimit dhe si filloi gjithçka në univers, për historinë ku ndodhin të gjitha historitë e tjera. Kjo është historia e Perëndisë! Libri i Zanafillës nis me: *Në fillim Perëndia...*

Gjithçka nis me Perëndinë. Kjo është historia e Tij. Çdo njeri që ke takuar në jetë, luan një rol në këtë histori. Kjo të përfshin edhe ty. Do të shohim disa nga pyetjet më të rëndësishme si: “Kush i bëri të gjitha gjërat? Çfarë duhet të bëj unë? Kush jam unë?” Këto janë pyetje të vështira, me të cilat njerëzit lodhen shumë, dhe ti nuk je shumë i/e vogël që të kërkosh përgjigjet e tyre. Ato të ndihmojnë të modelosh dhe t’i japësh formë identitetit tënd dhe gjithashtu të ndihmon t’i përgjigjesh pyetjes: “Kush jam unë?”

Shumë prej këtyre pyetjeve nuk kanë përgjigje të lehta. Duhet të punojmë me to, t’i diskutojmë dhe të mendojmë rreth tyre. Ne duam të të ftojme në një udhëtim përgjatë Biblës, ndërsa mësojmë, flasim dhe vëmë në praktikë atë që do të mësojmë nga historia më e mrekullueshme, që është treguar ndonjëherë. Kjo histori ka ndikim të përjetshëm në jetën tënde dhe në jetën e çdo personi, që do të takosh gjatë jetës.

Gati për një udhëtim të vogël? Shkojmë!

PARA SE TË NISTE FILLIMI

DITA 1

GJATË DISA JAVËVE NË VIJIM do të mendojmë për fillimet, për fillimet e jetës, fillimet e universit, madje dhe për fillimet e jetës sonë. Së pari, do të fillojmë të mendojmë për fillimin e sendeve të përditshmërisë sonë.

Shiko përreth dhe listo 10 sende të bëra nga njeriu dhe që ti mund t'i shohësh. Në listën tënde mund të ketë gjëra si: kar-rige, tavolinë, këmbishë apo llambë. Pranë çdo objekti në listën tënde shkruaj me hamendje se kur dhe ku mund të jetë krijuar dhe kush mund ta ketë krijuar atë. Mund të mos jesh në gjendje të zbulosh se ku, kur dhe kush i ka krijuar secilën, por përpiku ta gesh me të dhënat që ke, dhe më pas, nëse është e mundur, bëj një vlerësim.

Për shembull, mund të shohësh etiketën e këpucës tënde, që thotë se është bërë në Malajzi. Kështu mund të shkruash: “Këpuca ime e majtë—bërë nga dikush në Malajzi rreth dy vite më parë.”

↓

KËPUCA IME E
MAJTË-BËRË NGA
DIKUSH NË MALAJZI
RRETH DY VITE ME
PARË.



FJALË KYÇ:

Zanafilla: fillimet,
krijimi ose brezat

MENDIME KYÇ:

Fjala, Jezusi, Perëndia
është Krijuesi i pakrijuar

Kur ta kesh përfunduar listën, qarko sendet që mendon se janë më të vjetra. Ndërsa, pranë objekteve që mendon se janë bërë së fundi, vendos një kuti. Vendos një yll pranë objekteve, që vijnë nga vende më të largëta. Ndërsa, pranë atyre që mendon se janë bërë në një vend më pranë teje, vendos dy yje.

Dhe në fund, vendos një shenjë verifikuese pranë objekteve që ti personalisht i ke parë të krijoheshin.

LISTA E SENDEVE JO TË GJALLA, TË BËRA NGA NJERIU

SENDI MË I VJETËR SENDI MË I RI ☆ MË I LARGËTI ☆☆ MË I AFËRTI ✓ E KAM PARË

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____



DITA 2

LEXO: GJONI 1:1-17

Tani mendo për këto dy pyetje:

- 1. Nga e di që këto objekte janë bërë nga një person (ose disa) në një vend të caktuar dhe në një kohë të caktuar?**
- 2. Nga e di që këto objekte nuk janë bërë që para se të lindte personi që i bëri??**

Pyetje të pakuptimta? Ndoshta, por përgjigjet kanë rëndësi. Gjithçka e krijuar është bërë nga dikush. Dhe çdokush që i ka bërë, ka ekzistuar përpara se ta krijonte atë gjë. Le ta themi ndryshe: nëse një send, ose person ekziston, atëherë e ka bërë një krijues. Dhe krijuesi ka ekzistuar përpara se ai send ose person të krijohej (përndryshe nuk do ta kishte krijuar dot!).

Nëse pranojmë logjikën e këtyre deklaratave të dukshme, na shfaqet një problem: Si u krijuan gjërat dhe njerëzit e parë, nëse asgjë nuk ekzistonte para tyre? E kupton përse ky është problem? Nëse gjithçka që ekziston është krijuar nga dikush që ka ekzistuar më parë, si ndodhi krijimi i parë? Duhet të ketë qenë një krijues, i cili ka ekzistuar gjithmonë, që të mund të bënte krijimin e parë.


Pasazhi ynë biblik për këtë javë e quan atë person Fjala, Jezusi, i cili ka ekzistuar në Trinitet pa pasur një fillim, si Perëndi me Atin dhe Frymën e Shenjtë. Na thuhet se Ai ishte me Perëndinë në fillim dhe se Ai ishte Perëndi. Ky fillim ishte përpara se të krijohej gjithçka (Efesianëve 1:4). Jezusi me Perëndinë dhe si Perëndi ekzistonte edhe para formimit të kohës (Psalmi 90:2). Ai ka ekzistuar gjithmonë. Jezusi është Krijuesi i pakrijuar.




Dhe kështu Ai, Perëndia, Fjala, nisi gjithçka që ne njohim në krijim. Nuk ekziston asgjë në të cilën Ai nuk mori pjesë për ta krijuar (Kolozianëve 1:16, 1 e Korintasve 8:6, Hebrejve 1:2). Atëherë, kush jemi ne? Ne jemi pjesë e asaj që Ai ka krijuar. Ne jemi qenie të krijuara. Ne nuk krijuam vetveten. Mendo edhe njëherë për këtë varg nga Gjoni 1:3: "...pa atë nuk u bë asnjë nga ato që u bënë."

Nga ta dimë se ne jemi krijuar? Njësoj siç ti e di që objektet në listën tënde janë bërë nga dikush, në një kohë dhe vend të caktuar. Gjithçka që ekziston, është krijuar, dhe ti je krijuar nga Fjala. Në një kohë dhe vend specifik të historisë ti je krijuar nga Jezusi. Jeta jote ka një fillim.

E pse ka rëndësi kjo? Sepse Perëndia gjithmonë i bën gjërat për një arsye (Efesianëve 2:10). Fakti se jemi krijuar prej Tij, tregon se kemi një qëllim, një arsye përse jemi këtu. Për këtë çështje të madhe do të flasim pas disa javësh.





VARGJE KYÇ:

Në fillim ishte Fjala dhe Fjala ishte pranë Perëndisë, dhe Fjala ishte Perëndi. Ai (fjala) ishte në fillim me Perëndinë. Të gjitha gjërat u bënë me anë të tij (fjala), dhe pa atë nuk u bë asnjë nga ato që u bënë.

Gjoni 1:1-3

Përdor hapësirën më poshtë si ndihmë për ta kujtuar këtë varg. Mund të shkruash, vizatosh ose të shënosh, si të jetë më mirë për ty.

Gjoni përdor një emër të veçantë për Jezusin në këto vargje; ai e quan Fjala. Lexuesit e Gjoni duhet ta kenë ditur fjalën greke *logos*, që do të thotë “fjalë” ose “të flasësh” ose “mesazh”, por Gjoni e specifikon: Krishti është Fjala, e gjithë Fjala, e vetmja Fjalë, Fjala e parë, Fjala e Perëndisë. Jezusi është mesazhi i Perëndisë për botën për faktin se kush është vërtet Perëndia.

DITA 3

LEXO: GJONI 1:4, 5

Fjala i krijoi të gjitha gjërat, përfshirë edhe ty. Jeta që Ai na dha, erdhi nga jeta që Ai kishte në vetvete (Gjoni 5:26). Ne nuk kemi jetë, as jetë të përjetshme, pa Të (Gjoni 6:57). Ne i detyrohemi Atij për çdo pjesë të ekzistencës sonë.

ZBULOJE:

Çfarë kuptimi mendon se ka errësira? Cili është një shembull i errësirës që ti sheh në botë? Sipas këtij pasazhi, cila është më e fortë, errësira jote apo drita e Krishtit?

DITA 4

LEXO: GJONI 1:6-11

Jezusi është i vetmi burim i dritës së vërtetë shpirtërore. Fakti që kaq shumë persona nuk besojnë në Të, nuk e zbeh aspak dritën e Tij. Intensiteti i ndriçimit të dritës nuk përcaktohet nga sa njerëz po e shohin atë.

ZBULOJE:

Përse mendon se bota nuk e njohu Jezusin? Si po kërkon ti të jetë Jezusi?

DITA 5

LEXO: GJONI 1:12-13

Perëndia është zemërgjerë! Kushdo që e pranon dhuratën e Jezusit, duke besuar në emrin e Tij bëhet fëmijë i Perëndisë dhe askush prej nesh nuk e ka fituar vetë këtë gjë.

ZBULOJE:

Bazuar në këtë pasazh, a është e vërtetë që të gjithë njerëzit janë fëmijët e Perëndisë? Pse po ose pse jo? Dhe nga e di që ti je fëmijë i Tij?

DITA 6

LEXO: GJONI 1:14-17

Gjoni që shkroi këtë pasazh, pa Jezusin në mish dhe tregoi atë që pa, ashtu siç bëri dhe Gjoni pagëzori. Ata ishin dëshmitarë jo vetëm të Jezusit si person, por edhe të hirit të Perëndisë përmes Jezusit ndaj të gjithëve ne. Historia e tyre u bë historia e veprës së Jezusit që ata e panë në jetën e tyre dhe te të gjithë njerëzit përreth tyre. Kjo mund të jetë edhe historia jote.

ZBULOJE:

Kujt mund të fillosh t'i tregosh historinë e Perëndisë këtë javë? Kush ka nevojë të dëgjojë atë që Perëndia ka bërë në jetën tënde?

DITA 7

SHËNIMET E FOLËSIT:

DATA:

CILA ËSHTË E VËRTETA QË KE MËSUAR KËTË JAVË? ÇFARË DO TË BËSH ME TË?

- SHËNIMET E PIKËVE NGA MËSIMI 1.1 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
- VARGU PËRMENDSH
- ZBULIMET

A I KE NOJEKUR LEXIMET NGA INICIALET E BIBLA? SHËNO KËTU ATË QË DREJTUESIT KE LEXUAR:

NGA ASG

JAVA E KRIJIMIT

MËSIMI I JAVËS SË KALUAR NA LA PA MEND teksa mendonim se ndryshe nga gjithçka tjetër në univers, Perëndia nuk ka një fillim. Ai ka qenë gjithmonë. Ai është Krijuesi i pakrijuar. Ja pse, Jezusi, duke qenë Fjala, mundi të bënte gjithçka që është krijuar.


Këtë javë, truri ynë mund të sfidohet përtej aftësive të tij, ndërsa mendojmë për një tjetër ide të madhe: Jo vetëm që Perëndia është Krijuesi i pakrijuar, por Ai i bëri të gjitha gjërat nga asgjëja. Pa pjesë, pa përbërës, pa komponent. Ai thjesht foli dhe gjëja u shfaq! (Askush nuk mund të bëjë diçka të tillë, përveç Atij.)

Para se ta shtjellojmë këtë, le të bëjmë diçka vetë. Përdor hapësirën në të djathtë, që të prezantosh në mënyrë krijuese shkronjën e parë të emrit tënd. Mund të vizatosh, të pikturosh ose të bësh një kolazh me sendet që ke gjetur. Mund të ngjitesh edhe një foto në hapësirën boshe.

JEJA

DITA 1

KJO ËSHTË HAPËSIRA JOTE PËR TË KRIJUAR



DITA 2

LEXO: ZANAFILLA 1:1-31

Ndërsa do të fillojmë të flasim rreth fillimit të të gjitha gjërave të krijuara te Zanafilla 1, bëhu gati të vendosësh imagjinatën në punë, jo thjesht të përfytyrosh jetën që papritur fillon të ekzistojë. Përkundrazi, përdore imagjinatën për t'i dëgjuar fjalët e këtij kapitulli sikur të mos i kishe dëgjuar kurrë më parë. Përpiqu të harrosh të gjitha rastet kur këto fjalë i ke lexuar apo i ke parë të ilustruara në një video. Harro të gjitha debatet që ke dëgjuar për 'krijimin kundër evolucionit'. Bëj sikur ky është një informacion i ri për ty.

Tani hapni Bibla. Shkoni te Zanafilla 1:1-31 dhe lexojini me ngadalë fjalët e Perëndisë.

Nëse ke një imagjinatë të mirë, nëse vërtet arrite të imagjinoje sikur këto fjalë po i dëgjoje për herë të parë, ato do të të lënë ose gojëhapur në mahnitje të plotë, ose do të dyshosh nëse ky libër po thotë të vërtetën (ose ndoshta pak nga të dyja).

Ja një pëmbledhje e shkurtër e asaj që Bibla deklaron si të vërtetë në kapitullin e parë:

- Ka një Perëndi.
- Ai ekzistonte që në fillim, edhe para javës së krijimit.
- Ai e krijoi dritën vetëm duke folur.
- Ai krijoi atmosferën, tokën e thatë dhe detet.
- Ai krijoi bimët e të gjitha llojeve.
- Ai krijoi diellin, hënën, yjet dhe stinët.
- Ai krijoi kafshët e të gjitha llojeve, në tokë, ujë dhe ajër.





FJALË KYÇ:

Creatio ex nihilo.
Krijimi nga asgjëja.

MENDIM KYÇ:

Në krijim Perëndia bëri gjithçka nga asgjëja.

- Ai krijoi jetën njerëzore sipas shëmbëlltyrës së vet.
- Ai i bëri të gjitha në gjashtë ditë.
- Dhe Ai bëri gjithçka nga asgjëja, përmes fjalës së folur.





Pika e fundit mund të jetë deklarata më e madhe nga të gjitha. Mund ta kesh dëgjuar ndryshe edhe *creatio ex nihilo*. Kjo është një shprehje në latinisht që do të thotë “krijim nga asgjëja” (në kundërshtim me shprehjen latine *creatio ex materia*, ose “krijim nga një materie ekzistuese”). Ai që mund të krijonte diçka nga asgjëja mund të ishte vetëm Perëndia.

Ti mund të jesh i bindur që të gjitha këto janë plotësisht të vërteta. Ose mund të kesh disa dyshime. Nuk do të merremi sot me të gjitha argumentet logjike, por do të mendojmë për dy arsye pse ka kaq shumë rëndësi.

Së pari, Bibla na kërkon të besojmë se një Krijues i pakrijuar bëri gjithçka krejtësisht nga asgjëja, ose të besojmë se Bibla nis me një gënjeshtër. Nuk ka një rrugë të mesme ku mund të themi: “Unë besoj se Bibla është e vërtetë, por nuk besoj se Zanafilla 1:1 është e vërtetë.”

Së dyti, Bibla na tregon se Krijuesi i pakrijuar ka bërë çdo njeri, përfshirë edhe ty (Psalmi 139). Nëse kjo është e vërtetë (dhe është), gjëja e parë që çdokush duhet të kuptojë për veten është se e ka bërë Perëndia (Efesianëve 2:10). Ai është Krijuesi yt! Nëse nuk e beson këtë, nuk do të jesh kurrë në gjendje të kuptosh se kush je në të vërtetë.





VARGU KYÇ:

(Siç është shkruar: “Unë të bëra atin e shumë kombeve”), para Perëndisë që ai besoi, i cili u jep jetë të vdekurve dhe thërret ato që nuk janë, sikur të ishin.

Romakëve 4:17

Përdor hapësirën më poshtë si ndihmë për ta kujtuar këtë varg. Mund të shkruash, të vizatosh ose të shënosh, si të jetë më mirë për ty.

Ky varg flet për premtimin që Perëndia i bëri Abrahamit, se do ta bënte babain e shumë kombeve (Zanafilla 17:5). Është pjesë e një pasazhi më të gjatë, që flet për besimin e Abrahamit në Perëndinë. Do të ishte shumë e vështirë që një burrë pa fëmijë të besonte se do të bëhej babai i kaq shumë njerëzve. E megjithatë, Abrahami shpresoi përtej shpresës njerëzore, sepse ishte i bindur se Perëndia mund t'i japë jetë të vdekurit dhe mund të krijojë diçka nga asgjëja, dhe se Ai ishte mjaft i fuqishëm për t'i mbajtur premtimet që i kishte bërë Abrahamit.

Perëndia që krijoi universin nga asgjëja është mjaft i fuqishëm për të mbajtur edhe premtimet që ka bërë ndaj teje.

DITA 3

LEXO: ZANAFILLA 1:1-10

Vepra e parë e krijimit të Perëndisë ishte bërja e diçkaje të re të quajtur dritë. Nga kjo mësojmë se drita është jashtëzakonisht e rëndësishme dhe se nuk do të kishte dritë pa Perëndinë (Zbulesa 22:5). Vepra tjetër krijuese e Perëndisë ishte krijimi i botës, ku vendosi ujërat (Jobi 38:8-11).

ZBULOJE:

A e imagjinon dot të jetosh në një botë pa dritë dhe ujë? A janë ato thelbësore për mbijetesën tonë? Çfarë do të të mungonte më shumë nëse s'do të kishte më dritë ose ujë?

DITA 4

LEXO: ZANAFILLA 1:11-19

Perëndia bëri që të gjitha bimët të riprodhoheshin sipas llojit të tyre. Ai e krijoi jetën që të mund të riprodhohej në llojin e vet, që të shumohej.

ZBULOJE:

Çfarë fruti merr kur mbjell një pemë molle? Çfarë do të ndodhte nëse do të gjeje portokalle që rriten në një pemë molle? Sa e vështirë do të ishte të jetoje në një botë ku nuk e dimë çfarë fruti do të prodhojë një bimë?

DITA 5

LEXO: ZANAFILLA 1:20-25

Në ditën e pestë, Perëndia bëri krijesa të mrekullueshme të llojeve të ndryshme, peshqit dhe zogjtë në varietete të panumërta, shumë të bukura dhe me ngjyra të ndryshme. Krijimtaria e Tij është vërtet e pafundme.

ZBULOJE:

A ndihesh ndonjëherë keq, sepse nuk je njësoj si njerëzit e tjerë? Në ç'mënyra ndryshimet e tua unike të bëjnë më të vlefshëm për Perëndinë që të ka krijuar?

DITA 6

LEXO: ZANAFILLA 1:26-31

Pasi krijoi njerëzit sipas shëmbëlltyrës së Tij, Perëndia e quajti krijimin e Tij të "mirë". Sigurisht që nuk mbeti ashtu. Mëkati ndryshoi gjithçka (Romakëve 8:20-22), por krijimi ishte i përsosur, po ashtu edhe ti. Asgjë që Perëndia ka bërë, përfshirë edhe ty, nuk është gabim. Të gjithë ne kemi zgjedhur shkatërrimin e mëkatit (Romakëve 3:23, 6:23). Ky është problemi nga i cili të gjithë ne kemi nevojë të shpëtohem i përmes besimit në Jezusin (Efesianëve 2:8-9).

ZBULOJE:

A ke menduar ndonjëherë se Perëndia bëri një gabim kur të krijoi ty? Sipas Zanafillës 1:31, pse është ky një mendim i gabuar?

DITA 7

SHËNIMET E FOLËSIT:

DATA:

CILA ËSHTË E VËRTETA QË KE
MËSUAR KËTË JAVË? ÇFARË DO TË
BËSH ME TË?

- SHËNIMET E PIKËVE NGA MËSIMI 1.2 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
- VARGU PËRMENDSH
- ZBULIMET

A I KE NOJEKUR LEXIMET NGA INICIALET E
BIBLA? SHËNO KËTU ATË QË DREJTUESIT
KE LEXUAR:

IMAGO DEI: UNË JAM I/E VEÇANTË



DITA 1

GJATË DY JAVËVE TË FUNDIT kemi menduar dhe zbuluar shumë rreth disa çështjeve për universin dhe veten tonë. Kemi mësuar se Perëndia është Krijuesi i pakrijuar dhe se Ai bëri gjithçka nga asgjëja. Cila qenie ka ekzistuar gjithmonë dhe ka fuqinë të krijojë diçka nga asgjëja? Vetëm një: Perëndia!

Këtë javë do të flasim për disa nga gjërat që ka bërë Perëndia. Nëse një qenie mund të bëjë diçka nga asgjëja, atëherë ajo gjë duhet të jetë e mrekullueshme, apo jo? Ai nuk do ta harxhonte kohën e Tij duke bërë diçka të pavlerë.

Le të bëjmë dy lista me nga pesë pika kryesore, që të na ndihmojnë ta kuptojmë më mirë këtë gjë.

1) Pesë krijimet më të mira të bëra nga njeriu

Në listën tënde mund të vendosësh krijime teknologjike, ndërtesa, makina, art, pajisje komunikimi; pra, çdo gjë. Si-pas teje, cilat janë gjërat më mahnitëse që ka bërë njeriu?

1.

2.

3.

4.

5.

2) Pesë krijimet më të mira të Zanafilla

Në këtë listë mund të vendosësh secilën prej krijimeve që bëri Perëndia në javën e krijimit, për të cilën kemi lexuar të Zanafilla 1. Pra, cilëndo nga kafshët, planetet, krijesat e detit, çdo gjë që Perëndia e solli në jetë me anë të fjalës së Tij.

1.

2.

3.

4.

5.

Diskutojini dy listat herën e ardhshme, kur të takoheni me grupin.


DITA 2

LEXO: ZANAFILLA 1:26, 27

Çfarë e bën vërtet të mrekullueshëm një krijim apo shpikje? Shqyrto këto dy ide të mëdha në lidhje me faktin se Perëndia i bëri qeniet njerëzore sipas shëmbëlltyrës së Tij:

1. Perëndia është Krijuesi dhe Ai na ka bërë sipas shëmbëlltyrës së Tij. Njësoj si Ai, edhe neve na pëlqen të krijojmë, të bëjmë gjëra të reja, të kemi ide të reja, të gjejmë mënyra të reja për t'i bërë gjërat. Ne jemi krijues, sepse jemi bërë sipas shëmbëlltyrës së Tij. Kuptohet përse njerëzit kanë mundur të krijojnë gjëra vërtet të mrekullueshme gjatë gjithë historisë së njerëzimit; Perëndia është Ai që na ka krijuar me aftësinë për të bërë gjëra.
2. Perëndia bëri një pafundësi krijesash: zogj, peshq, gjitarë, dritën, planetët, yjet, ditën, natën, ujërat, tokën, por vetëm njërin prej krijimeve të Tij e bëri sipas shëmbëlltyrës së Vet. Nga të gjitha gjërat e mrekullueshme që bëri atë javë të parë, njëra dallon nga të gjitha, sepse ishte në imazhin e Krijuesit të pakrijuar. Vetëm njëra. Ajo krijesë jemi ne.





Një prej gënjeshtreve më të mëdha të epokës sonë është se qeniet njerëzore janë thjesht kafshë, krijesa të thjeshta si gjithë të tjerat në botë. Gënjeshttra është kjo: Njerëzit mund të jenë qenia më e lartë për momentin, por nuk jemi të veçantë. Njerëzit mund të jenë forma më e përparuar e kafshëve, por në thelb nuk jemi ndryshe apo unikë.


Nuk mund të besosh njëkohësisht edhe këtë, edhe që Zanafilla 1 thotë të vërtetën. Libri i parë i Biblës na thotë se njerëzit janë ndryshe, krijesa të bëra për të qenë bartës të imazhit të Perëndisë. Kjo na bën të veçantë.

Kjo të bën ty të veçantë. Krijuesi i pakrijuar nuk bën gjëra pa vlerë, dhe mbi të gjitha, Ai nuk mund të bëjë diçka të pavlerë për të qenë shëmbëllim i Tij. Ti je bërë nga Krijuesi dhe je krijuar për një arsye.



FJALË KYÇ: *Imago Dei: shëmbëlltëri e Perëndisë*

MENDIM KYÇ: *Ne jemi bërë sipas shëmbëlltërisë së Perëndisë.*



VARGU KYÇ:

Kështu Perëndia krijoi njeriun sipas shëmbëlltyrës së vet, sipas shëmbëlltyrës së Perëndisë; Ai krijoi mashkullin e femrën.

Zanafilla 1:27

Përdor hapësirën më poshtë si ndihmë për ta kujtuar këtë varg. Mund të shkruash, të vizatosh ose të shënosh si të jetë më mirë për ty.

Fakti që ne jemi bërë sipas shëmbëlltyrës së Perëndisë nuk nënkupton se Ai ka një hundë, dy sy dhe katër gjymtyrë si ne. Do të thotë se Ai na krijoi për të qenë si Ai në aspekte të tjera. Ai është Krijuesi, ne jemi krijues. Ai është dashuri; ne mund të japim dashuri. Sidomos para se të vinte mëkati, qeniet njerëzore reflektonin personalitetin e Perëndisë, karakterin e Tij, vërtetësinë e Tij, shenjtërinë e Tij etj.

Ai na dha shëmbëllimin e Tij, pjesërisht, që të mund ta përfaqësonim, ndërsa sundonim mbi pjesën tjetër të krijimit në tokë (Hebrenjve 2:6-8). Siç e thamë, mëkati e ndryshoi këtë, por ne mbetemi sërish krijimi më i veçantë i Perëndisë. Ne jemi bartësit e imazhit të Tij.

DITA 3

LEXO: ZANAFILLA 1:26-27

Imago Dei janë fjalë latine që mund t'i kesh dëgjuar më parë. Krijedhin nga *tzelem elohim* një shprehje hebraike që do të thotë "shëmbëllyrë e Perëndisë". Fakti që ne jemi krijuar sipas shëmbëllyrës së Perëndisë i jep jetës njerëzore vlerën e saj kryesore, jo sepse ne jemi të mirë, por sepse Perëndia është i mirë që na bëri sipas shëmbëllyrës së vet.

ZBULOJE:

Si ndihesh që je krijuar sipas shëmbëllyrës së Perëndisë? A të bën të ndihesh se ke më shumë vlerë dhe rëndësi për Perëndinë? Nëse të gjithë ne jemi bërë sipas shëmbëllyrës së Perëndisë, a është e drejtë që ne të mallkojmë apo të zhvlerësojmë një qenie tjetër njerëzore? (E dhënë: shih Jakobi 3:7-10.)

DITA 4

LEXO: PSALMI 139:13-16

Davidi, mbreti dhe poeti i Izraelit, i shkroi Perëndisë për faktin që ishte krijuar nga Ai Perëndia nuk na bëri thjesht të gjithëve sipas shëmbëllyrës së Tij; Ai bëri secilin nga ne, specifikisht, sipas shëmbëllyrës së Tij. Vetë Perëndia të modeloi dhe planifikoi jetën tënde para se ti të lindje (Efesianëve 1:3-6).

ZBULOJE:

A ka vlerë jeta njerëzore, për shkak të aftësive që ne kemi apo sepse jemi formuar nga Perëndia? A mendon se plani që Ai ka për ty është i besueshëm? Përse po ose përse jo?

DITA 5

LEXO: PSALMI 139:17-18

Është normale që ndonjëherë të ndihemi vetëm, sikur asgjë që bëjmë, themi apo mendojmë nuk ka asnjëherë rëndësi (Psalmi 42:9-11). Davidi e dinte të vërtetën, Perëndia mendon për ne për të mirë, në çdo kohë. Perëndia mendon për ne, sepse Ai na bëri. Ai ka plane për ne dhe na do shumë.

ZBULOJE:

A beson se Perëndia ka dashuri për ty apo mendon se ndonjëherë Ai nuk të pëlqen ty? Sipas teje, çfarë mendon Perëndia për ty?

DITA 6

LEXO: PSALMIN 139:23, 24

Davidi kuptoi se, nëse Perëndia dinte gjithçka rreth tij, atëherë Ai njihje edhe sekretet e tij më të errëta (Psalmi 19:12-14). Në vend që të përpiqej t'i fshihte ato nga Perëndia, ai i kërkoi Perëndisë të vinte dhe ta shihte zemrën e tij ashtu siç ishte dhe më pas ta udhëhiqte në drejtimin e duhur.

ZBULOJE:

A ka kuptim t'i fshëhim mëkatet tona nga Perëndia? Çfarë mund të të pengojë që t'ia rrëfesh mëkatet e tua Perëndisë dhe t'i kërkosh që të të udhëheqë larg tyre? A je gati të jesh i hapur me Perëndinë për të gjitha dështimet dhe shqetësimet e tua?

DITA 7

SHËNIMET E FOLËSIT:

DATA:

CILA ËSHTË E VËRTETA QË KE
MËSUAR KËTË JAVË? ÇFARË DO TË
BËSH ME TË?

- SHËNIMET E PIKËVE NGA MËSIMI 1.3 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
- VARGU PËRMENDSH
- ZBULIMET

A I KE NOJEKUR LEXIMET NGA INICIALET E
BIBLA? SHËNO KËTU ATË QË DREJTUESIT
KE LEXUAR:

KUFIJTË:

unë jam i/c kufizuar

DITA 1

DERI TANI, GJATË KËTIJ STUDIMI, KEMI PARË

se Perëndia është Krijuesi i pakrijuar, i cili bëri gjithçka nga asgjëja. Dhe javën e kaluar, ne zbuluam se çfarë do të thotë të jesh krijuar sipas shëmbëlltyrës së Tij. Nuk mund të kuptosh kush je, nëse nuk ke kuptuar më parë se je krijuar nga Perëndia sipas shëmbëlltyrës së Tij.


Atëherë, çfarë bëjmë me gjithë këto informacione? Si duhet të jetojmë tani? Këtë javë do të fillojmë të zbulojmë si mund të jetojmë si krijesa të bëra sipas shëmbëlltyrës së Perëndisë.

Le të fillojmë me këtë eksperiment:

Shko në cep të dhomës ku ndodhesh dhe ec për në anën tjetër. Fillo nga muri dhe ec nëpër dhomë, ashtu si mendon se është më mirë për ty. Në eksperimentin tonë, udhëtimi yt nëpër dhomë do të përfaqësojë jetën tënde nga lindja në vdekje.

Mund të ecësh shpejt ose ngadalë. Mos prek asgjë, ose nëse do, prek ç'të duash. Bëj zgjedhjet e tua, ato që të duken më të mira për ta jetuar jetën nga njëra anë e dhomës në tjetrën.

SHËNOJE EKSPERIENCËN TËNDE
KËTU. VIZATO OSE LISTO MË
POSHTË GJËRAT ME TË CILAT
PATE KONTAKT.



LEXO: ZANAFILLA 2:7-17

Ti nuk e dije që ndërsa po ecje nëpër dhomë kishte disa rregulla, disa të vërteta që përcaktuan se si do të shkonte jeta jote imagjinare nga njëra anë e dhomës në tjetrën.

Ja rregullat:

- Kushdo që eci në anën e majtë të dhomës bëri dyfishin e parave të atyre që ecën në anën e djathtë.
- Kushdo që ndaloi gjatë rrugës dhe u ul për 10 sekonda, kishte dyfishin e lumturisë.
- Kushdo që u ul në një karrige apo në një mobilje tjetër, gëzoi shëndet të plotë.
- Kushdo që u hodh me një këmbë pesë herë, kishte marrëdhënie më të mira dhe kuptimplotë.
- Kushdo që eci mbrapa ishte në mjerim dhe i sëmurë, dhe vdiq në një aksident në moshën 40 vjeçare.
- Kushdo që preku muret gjatë rrugës, u argëtua pesë herë më shumë dhe përjetoi më shumë aventura.
- Kushdo që ndaloi për të kërcyer, jetoi deri në 100 vjeç, dhe kishte një mjekër të madhe dhe mahnitëse që e kishte zili gjithë vendi.

Tani, pyetja është kjo: A do të kishe ecur ndryshe nga njëra anë e dhomës në tjetrën, nëse do t'i kishe ditur rregullat që para se të niseshe? A do të kishe zgjedhur të jetoje ndryshe? A ishte e padrejtë që të lanë të bëje ç'të doje dhe çfarë të dukej ty e mirë, pa të treguar rregullat e lojës më parë?

Çfarë lidhje kanë të gjitha këto me Zanafillën? Ja lidhja: Që prej fillimit, ne shohim se Perëndia kujdesej aq shumë për ne, sa që Ai filloi të na tregonte rregullat, të vërtetat e mëdha, për të jetuar në botën që Ai krijoi në mënyrën më të mirë.

A të kujtohet çfarë i tha Ai Adamit te Zanafilla 2:16, 17? Adami mund të hante nga çdo pemë e kopshtit, përveç njëjës. Nëse do të hante prej saj, do të vdiste. Nëse do të hante nga të gjitha të tjerat, do të ushqehet.

← PROVOJE!



FJALË KYÇ:

Kufi: diçka që tregon kufizim apo limit

MENDIM KYÇ:

Perëndia i vuri kufij Adamit dhe Evës. Ai ka vënë kufij për ty edhe mua gjithashtu.

Kjo ishte diçka që Adami nuk mund ta kishte ditur, nëse Perëndia nuk do t'ia kishte treguar. Perëndia ia vendosi Adamit atë kufi për të mirën e tij, për ta bërë më të mirë jetën e Adamit, sepse Ai kujdesej për Adamin.

Po kufijtë që Perëndia na i ka shfaqur më vonë në librin e Tij? Bindu dhe ndero prindërit e tu (Efesianëve 6:1-3). Ruaji marrëdhëniet seksuale për martesë (Hebrenjve 13:4). Mos kërko hakmarrje (Romakëve 12:19). Fal, ashtu siç je falur (Efesianëve 4:32). Thuaj të vërtetën në çdo rrethanë (Kolosianëve 3:9-10).

A do të ishin më mirë apo më keq jetët tona, nëse Perëndia nuk do të na i kishte treguar këto kufij? A të ndihmon apo të lëndon njohuria e këtyre të vërtetave të mëdha, që të tregojnë si ta jetosh më mirë jetën tënde? A i ka dhënë Perëndia këto udhëzime, sepse kujdesej për ne, apo sepse nuk na do?


Mendoje kështu: Nëse Perëndia do të dinte se çfarë na lëndon dhe çfarë na ndihmon, dhe nuk do të na i tregonte, çfarë Perëndie do të ishte Ai?

HAJE KËTË!

KJO ËSHTË
E MIRË!

KJO ËSHTË E MIRË!

JO,
JO KËTË!



VARGJET KYÇ:

Ku ishte kur unë hidhja themelet e tokës? Thuaje, në rast se ke aq zgjuarsi. Kur i caktova një kufi dhe i vendosa shufra hekuri dhe porta, dhe thashë: “Ti do të arrish deri këtu, por jo më tutje; këtu do të ndalen valët e tua krenare?”

Jobi 38:4, 10-11

Përdor hapësirën më poshtë si ndihmë për ta kujtuar këtë varg. Mund të shkruash, vizatosh ose të shënosh si të jetë më mirë për ty.

Nëse do të lexosh të gjithë librin e Jobit, do të shohësh se kapitulli 38 është çasti i shumëpëritur gjatë gjithë historisë: Perëndia shfaqet për t’iu përgjigjur Jobit për pyetjet që kishte, se përse jeta e tij ishte bërë kaq e dhimbshme.

Një pjesë e përgjigjes së Perëndisë ishte kjo: “Unë jam Ai që ka krijuar universin Job, pra, unë jam Ai që ka vendosur të gjithë kufijtë, për ujërat, tokën edhe për ty. Unë vendos rregullat, sepse unë e kam bërë tokën, jo ti. Kështu që më besol!”

DITA 3

LEXO: ZANAFILLA 2:7-9

Gjithçka rreth nesh, forma jonë, pamja jonë, madje edhe fryma që marrim, na është dhënë nga Perëndia. Si dhënës i jetës, askush nuk është më i kualifikuar se Ai për të vendosur kufijtë brenda të cilëve duhet të jetojmë.

ZBULOJE:

A është e logjikshme për ty që si dhënës i jetës, Perëndia të ketë të drejtën për të na treguar cila është mënyra më e mirë për ta jetuar jetën? Cili është një kufi që Perëndia ka vendosur për ty, i cili shërben për të mirën tënde?

DITA 4

LEXO: ZANAFILLA 2:10-14

Këto vargje duken si mësim gjeografie. Përse janë pjesë e Zanafillës? Pjesërisht ato na ndihmojnë të kuptojmë se Kopshti i Edenit ishte vend i vërtetë. Nuk është një metaforë, analogji apo përrallë. Adami ishte një njeri i vërtetë, që jetonte në një vend të vërtetë të tokës sonë.

ZBULOJE:

Cili është vendi yt i preferuar në botë? Si do të ishte Edeni në krahasim me këtë vend? A do të ishte më i mirë apo më i keq?

DITA 5

LEXO: ZANAFILLA 2:15

Shpeshherë, e mendojmë koshtin e Edenit si një resort ku Adami rrinte shtrirë dhe pushonte, një parajsë ku nuk ishte e nevojshme të punoje. Por, Perëndia i dha Adamit një vend dhe një qëllim. Të njëjtën dhuratë na e ka dhënë edhe neve.

ZBULOJE:

A mendon ndonjëherë se do të ishe më i lumtur, nëse do të ishe diku tjetër? A e ke menduar ndonjëherë se Perëndia të ka sjellë në këtë vend dhe në këtë kohë për një arsye? A mund të mendosh për disa arsye për pse Perëndia të ka vendosur aty ku je?

DITA 6

LEXO: ZANAFILLA 2:16, 17

Vë re diçka në urdhërimin që Perëndia i dha Adamit. Nuk ishte thjesht një "jo". I tha të bënte një gjë dhe të mos bënte një tjetër.

Perëndia do që ti të modelohesh jo vetëm nga ajo që refuzon të bësh, por edhe nga ajo që përkushtohesh të bësh në jetën tënde. Kufijtë, rregullat, urdhërimet dhe mençuria e Tij na ndihmojnë të kuptojmë si duhet të jetojmë, jo thjesht si të MOS jetojmë.

ZBULOJE:

Cili është një kufi që Perëndia ka vendosur, por që ty të zemëron? Cili është aspekti pozitiv i atij kufiri ku ti mund të përqaendrohesh?

DITA 7

SHËNIMET E FOLËSIT:

DATA:

CILA ËSHTË E VËRTETA QË KE MËSUAR KËTË JAVË? ÇFARË DO TË BËSH ME TË?

- SHËNIMET E PIKËVE NGA MËSIMI 1.4 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
- VARGU PËRMENDSH
- ZBULIMET

A I KE NOJEKUR LEXIMET NGA BIBLA? SHËNO KËTU ATË QË KE LEXUAR:

Mësimi 1.5
Mashkulli DHE femra
UNË NUK JAM VETËM

DITA 1

PRA, PERËNDIA ËSHTË KRIJUESI I PAKRIJUAR

që bëri gjithçka nga asgjëja. Ne jemi krijuar sipas shëmbëlltyrës së Tij dhe Ai na ka dhënë dhuratën e kufijve në jetën tonë, për të mirën tonë, sepse Ai na do.

Është shumë e rëndësishme t'i kuptojmë këto gjëra, sepse janë hapi i parë që ne të kuptojmë cilët jemi si qenie njerëzore. Ato përcaktojnë kush jemi ne të gjithë, por qeniet njerëzore nuk janë njësoj, apo jo? Kemi pikat e forta dhe të dobëta, ndryshimet që na bëjnë unikë. Zgjidh dikë në grupin tënd dhe shkruaj tri pika të forta që sheh tek ai.

Në listën tënde mund të shënosh gjëra si: mirësjellja, inteligjenca, lojërat apo se i bën njerëzit të qeshin. Shmang karakteristika fizike si: flokë të bukur apo lëkurë të pastër. Përpiqu të shënosh tri pika të forta, që përfshijnë tipare të personalitetit, karakterit apo aftësi të ndryshme.

**LISTO PIKAT E TYRE TË FORTA
KËTU POSHTË:**

- 1.
- 2.
- 3.

LEXO: ZANAFILLA 2:7, 18-25

Tani mendo për këtë: A do të ishte njësoj, lista e pikave të forta, për të gjithë njerëzit në dhomë? Me shumë mundësi, jo. Ne të gjithë kemi disa pika të forta dhe disa të dobëta, apo jo? Kjo na bën unikë dhe të ndryshëm nga njëri-tjetri.

Është e habitshme, gjithashtu, se sa lehtë mund ta shkatërrojmë dikë, ose ta lëndojmë, nëse ia vëmë në dukje dobësitë, duke përmendur gjërat që nuk i bën mirë (Fjalët e Urta 12:18). Cilën mësojmë më lehtë ta bëjmë: t'i lëndojmë njerëzit duke u vënë në dukje dobësitë e tyre apo t'i inkurajojmë e ndihmojmë ata duke u vënë në dukje ndryshimet e tyre pozitive?

Fatkeqësisht, ne duam më shumë t'i lëndojmë njerëzit duke u drejtuar gishtin, sepse janë ndryshe nga ne, sepse e tregojnë forcën në një mënyrë që është ndryshe nga e jona, sepse, në fakt, vetë Perëndia na bëri të ndryshëm. Ai e bëri këtë gjë qëllimisht.

Adami nuk ishte thjesht i veçantë; ai ishte i vetmi, në kuptimin që nuk kishte asnjë qenie tjetër njerëzore. Në kuptimin e plotë të fjalës, nuk kishte ende asnjë si ai në të gjithë krijimin. Perëndia tha që kjo gjë nuk ishte e mirë (Zanafilla 2:18).

Ndoshta e kujton historinë. Nga trupi i Adami, me brinjën e tij, Perëndia formoi Evën, gruan e parë. Megjithatë, ja si ishte çështja: Eva nuk ishte thjesht një tjetër Adam. Ajo ishte një tjetër njeri, por ishte aq e ndryshme nga Adami sa janë djemtë nga vajzat.

Ata të dy u bënë themeli i modelit të Perëndisë për martesën, një burrë dhe një grua, dy njerëz shumë të ndryshëm, të cilët bëhen një.



FJALË KYÇ:

Unik: të mos kesh të ngjashëm apo të barabartë, i pakrahueshëm

MENDIM KYÇ:

Perëndia e bëri njeriun pjesën e veçantë dhe unike të krijimit të Tij.


E megjithatë, ndryshimet nuk mbaruan me aq. Adami dhe Eva patën foshnjën e parë në histori. Ai ishte djalë, por shumë shpejt u bë e qartë se ai ishte ndryshe nga të dy ata. Ai kishte personalitetin, talentet, aftësitë dhe mendimet e tij. Ai kishte pika të dobëta dhe të forta ndryshe nga të tyret.



Pse kjo është kaq e rëndësishme? Është e rëndësishme, sepse ti duhet të dish se je ndryshe nga kushdo tjetër në krijim. Perëndia i krijon të gjithë njerëzit dhe ne kemi disa ngjashmëri me njëri-tjetrin, por Ai, gjithashtu, e ka bërë gjithsecilin prej nesh unik dhe ndryshe.

Të dish se kush je në botë do të thotë gjithashtu të kuptosh kush nuk je. Kur ne përpiqemi të bëhemi si të tjerët, ne lodhemi dhe mërzitemi, sepse asnjëri prej nesh nuk është plotësisht njësoj me një tjetër. Perëndia ka në plan të përdorë pikat e tua të forta dhe të dobëta, edhe identitetin tënd unik për të arritur pikërisht atë që Ai ka si qëllim të ndodhë në univers.

Ndryshimet e tua janë përcaktues të thirrjes tënde, të qëllimit unik të jetës tënde (1 e Korintasve 12:12-31).



VARGU KYÇ:

Por në fillim të krijimit, Perëndia i bëri mashkull e femër.

Marku 10:6

Përdor hapësirën më poshtë si ndihmë për ta kujtuar këtë varg. Mund të shkruash, vizatosh ose të shënosh si të jetë më mirë për ty.

Këto ishin fjalët e Jezusit kur e pyetën nëse njerëzit mund të divorcohen. Për t'iu përgjigjur pyetjes, Ai citoi nga Zanafilla, për të treguar se plani i Perëndisë ka qenë gjithmonë që burri dhe gruaja të jenë të martuar gjithë jetën.

Për shkak të ndryshimeve midis burrave dhe grave, dhe midis gjithë njerëzve, martesë mund të jetë një marrëdhënie e mrekullueshme, por edhe shumë e vështirë.

Kur të dy, burri dhe gruaja kuptojnë se Perëndia i ka krijuar, dhe janë të gatshëm t'i binden Perëndisë duke u vetësakrifikuar dhe duke i shërbyer të tjerëve ashtu siç Perëndia ka vendosur, martesë sipas modelit që Ai caktoi bëhet diçka e bukur (Efesianëve 5:21-33).

DITA 3

LEXO: ZANAFILLA 2:7

Perëndia e bëri Adamin për të qenë unik. Ai ishte unik, sepse nuk ishte aspak njësoj me asnjë krijesë tjetër. Vetëm Adami ishte krijuar sipas shëmbëlltyrës së Perëndisë. Gjithashtu, ai ishte unik si person. Ai nuk ishte si Eva, si ti, apo si asnjë tjetër.

ZBULOJE:

Cilat janë tri gjëra që të bëjnë unik/e? Çfarë të bën të ndryshëm nga çdokush tjetër në familjen tënde? Si e bëjnë më të mirë familjen tënde të gjitha këto karakteristika?

DITA 4

LEXO: ZANAFILLA 2:18-20

Në planin e Perëndisë, qeniet njerëzore duhet të kenë marrëdhënie me njëri-tjetrin. Disa nga ne preferojnë të kalojnë më shumë kohë vetëm se të tjerët, por të gjithë ne kemi nevojë për marrëdhënie. Perëndia të ka formuar që të punosh më mirë kur je në marrëdhënie me njerëz të tjerë.

ZBULOJE:

A të pëlqen të qëndrosh me grupe të mëdha njerëzish apo preferon të kalosh kohë vetëm me disa njerëz? Cilat janë disa nga të mirat që sjell marrëdhënia me njerëz të tjerë?

DITA 5

LEXO: ZANAFILLA 2:21, 22

Deri tani, në historinë që kemi studiuar në Bibël, kemi parë se Perëndisë i pëlqen t'i japë dhuratat të mira Adamit. Në këto vargje na thuhet se Perëndia i solli Adamit një grua, një ndihmë që ishte pothuajse si një dhuratë. Adami kishte një nevojë dhe Perëndia e plotësoi nevojën e tij, përmes një qenieje tjetër njerëzore.

ZBULOJE:

A e ke parë ndonjëherë veten si një mënyrë që Perëndia ka përdorur për të plotësuar nevojat e njerëzve në jetën tënde? Si të përdor Perëndia ty për të plotësuar nevojat e të tjerëve? Kë ka përdorur Perëndia në jetën tënde për të plotësuar nevojat e tua?

DITA 6

LEXO: ZANAFILLA 2:23-25

Adami dhe Eva nuk do të ishin thjesht shokë. Marrëdhënia martesore është ndryshe nga të gjitha të tjerat. Ne mund të jemi miq dhe të ndihmojmë apo të ndihmohemi nga shumë njerëz, por mund të martohemi vetëm me një njeri.

ZBULOJE:

Si mund të na ndihmojë dhe të na bëjë më të fortë martesë me një person tjetër që është plotësisht ndryshe nga ne? Nëse martesë na bën më të fortë, përse për disa është shumë e vështirë dhe shkakton kaq shumë dhimbje? (e dhënë: Lexo Zanafilla 3, për të gjetur burimin e të gjitha problemeve në martesë.)

DITA 7

SHËNIMET E FOLËSIT:

DATA:

CILA ËSHTË E VËRTETA QË KE MËSUAR KËTË JAVË? ÇFARË DO TË BËSH ME TË?

- SHËNIMET E PIKËVE NGA MËSIMI 1.5 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
- VARGU PËRMENDSH
- ZBULIMET

A I KE NOJEKUR LEXIMET NGA BIBLA? SHËNO KËTU ATË QË KE LEXUAR: INICIALET E DREJTUESIT

SUNDIM

KAM GJËRA PËR TË BËRË

DITA 1

POTHUAJSE GJITHË MUAJIN E FUNDIT

e kemi kaluar duke kuptuar kush jemi, kush na krijoi, si na krijoi dhe përse na krijoi. Secili prej nesh është krijuar nga Krijuesi i pakrijuar, që mund të krijojë gjithçka nga asgjëja.

Ai na bëri që të jetojmë brenda disa kufijve, sepse Ai na do dhe na krijoi për të qenë unikë, si individë që kanë nevojë të kenë marrëdhënie me njerëz të tjerë që janë ndryshe nga ne.

Këtë javë do të shohim që Ai na ka krijuar gjithashtu për të përmbushur disa gjëra, për të punuar dhe për të pasur një qëllim që është unik për secilin prej nesh. Shpesh e lidhim punën apo qëllimin me karrierën që kemi.

**LE TË BËJMË DY LISTA, QË DO TË NA
NDIHMojnË TË MENDOJMË RRETH KËSAJ.**

Në listën e parë rendit pesë profesione që do të të pëlqente të provoje kur të rritesh. Kjo quhet lista "Çfarë mund të bëhem kur të rritem?" Polic? Biolog detar? Klloun cirku? Cilat janë pesë kryesoret?

- 1.
- 2.
- 3.
- 4.
- 5.

Në listën e dytë, shëno emrat e pesë të rriturve, që ti i njeh personalisht dhe i admiron apo respekton shumë. Nuk po flasim për njerëz të famshëm; por po flasim për burra apo gra në jetën tënde që janë të mençur, të fortë, interesante apo të dashur, në një mënyrë që për ty është e rëndësishme.

- 1.
- 2.
- 3.
- 4.
- 5.

Pastaj, pranë çdo emri shëno profesionin që ka secili. Çfarë pune bëjnë?

DITA 2

LEXO: ZANAFILLA 1:26-30

Ndërsa krahason dy listat bëhu i kujdesshëm ndaj këtyre dy gjërave:

Së pari, ajo që ne jemi si njerëz, identiteti ynë apo karakteri ynë, nuk varet nga puna që bëjmë. Perëndia përgatiti punë që ne t'i bëjmë (Efesianëve 2:10). Ndonjëherë ajo punë paguan faturat (1 e Timoteut 5:8). Ndonjëherë atë punë e bëjmë falas, sepse jemi të bindur se është ajo të cilën Perëndia do që ne të përmbushim (2 e Timoteut 4:5). E thënë ndryshe, puna nuk na bën ata që jemi, por ne jemi bërë nga Perëndia për të bërë punën.

Ndoshta mund të mendosh që kjo do të thotë se Ai na krijoi për të qenë skllëvër, që Ai të na "përdorte" për të bërë gjëra që Ai do. Gjithsesi, nëse do të mendoje kështu, do të ishte jashtëzakonisht gabim, apo jo? Përse do të kishte nevojë për skllëvër Perëndia, që mund të bëjë gjithçka nga asgjëja? Në fakt, duket shumë më pak e efektshme të na përdorë për të përmbushur planin e Tij, kur Atij i mjafton të flasë dhe plani i Tij realizohet.

I vetmi përfundim që nxjerrim është se Perëndia na krijoi për të punuar, për të marrë përgjegjësi në pëmbushjen e gjërave specifike, për të mirën tonë (Ligji i Përtërirë 5:18, 19). Ai na jep privilegjin që të përdorim punën tonë për të pëmbushur planin e Tij.

Disa njerëz e shohin punën si ndëshkimi i Perëndisë ndaj Adamit, për shkak se hëngri nga pema e ndaluar. Po si e shpjegojmë faktin që Perëndia i dha përgjegjësinë Adamit për të qenë në krye të krijimit të Tij? Kur e vuri Perëndia Adamin për t'u kujdesur e për të ruajtur kopshtin e për të emërtuar kafshët? Adami i mori këto detyra para se ai dhe Eva të mëkatonin. Puna ishte pjesë e planit të Perëndisë për ne, edhe para se mëkati të hynte në botë. Është mënyra e jetesës që Ai përcaktoi për ne që prej fillimit.

BËRË PËR TË PUNUAR



FJALË KYÇ:

Thirrje: qëllimi që Perëndia ka për jetën tënde

MENDIM KYÇ:

Perëndia e ka bërë gjithsecilin prej nesh për një qëllim specifik.

VARGU KYÇ:

Pastaj Perëndia tha: “Ta bëjmë njeriun sipas shëmbëlltyrës sonë dhe në ngjasim me ne, dhe të ushtrojë sundimin e tij mbi peshqit e detit, mbi zogjtë e qiellit, mbi kafshët e mbi gjithë tokën, mbi rrëshqanorët që zvarriten mbi dhe.”

Zanafilla 1:26

Përdor hapësirën më poshtë si ndihmë për ta kujtuar këtë varg. Mund të shkruash, vizatosh ose të shënosh si të jetë më mirë për ty.

Sundimi është një fjalë interesante. Nëse e kërkon, do të shohësh që ka kuptimin e “sovrانيتit” ose “kontrollit”. Me pak fjalë, sundimi përfshin të pasurit e autoritetit dhe përgjegjësisë për të qenë në krye të diçkaje.

Sa gjë e mrekullueshme: Perëndia sapo kishte përfunduar krijimin e botës dhe menjëherë, Ai i jep njeriut autoritet mbi krijimin! Ai na ka dhënë autoritet nën autoritetin e Tij, për të qeverisur tokën.

Perëndia na krijoi duke pasur një qëllim në mendje, edhe pse mëkati e ndryshoi në mënyrë të tmerrshme mënyrën e sundimit.

DITA 3

LEXO: ZANAFILLA 2:15

Perëndia mund ta kishte krijuar kopshtin e Edenit që të vetëmbahej, apo jo? Ai nuk kishte përse ta krijonte si një vend që kishte nevojë për përkujdesje. Perëndia e krijoi të gjithë universin bazuar në qëllimin e Tij për të qenë i përshtatshëm që njerëzit të punonin. Ai krijoi punën për Adamin, para se të krijonte Adamin.

ZBULOJE:

Çfarë pune ka përgatitur Perëndia për ty këtë javë? Si të ndihmon kryerja e punëve të tua që të kuptosh veten më mirë?

DITA 4

LEXO: ZANAFILLA 1:26

Shiko si sundimi i njeriut, pjesa e krijimit mbi të cilin Perëndia i dha autoritet, ishte i kufizuar në tokë. Ne nuk jemi në sundim të planetëve apo yjeve. Edhe në jetën tënde ti je përgjegjës për disa gjëra dhe jo për të gjitha.

ZBULOJE:

Nga e di ti se për çfarë të ka bërë përgjegjës Perëndia dhe për çfarë jo? Si e shmang marrjen e përgjegjësive për gjëra që nuk mund ti kontrollosh?

DITA 5

LEXO: ZANAFILLA 1:27, 28

Perëndia i dha Adamit dhe Evës tri detyra kryesore: Mbushni tokën (me njerëz të tjerë), nënshtrojeni tokën dhe sundoni mbi të. Të nënshtrosh tokën do të thotë ta mbash nën kontroll. Të sundosh mbi të do të thotë të marrësh përgjegjësi për autoritetin e dhënë, ose e thënë ndryshe, të mos shmangësh përgjegjësinë e punës.

ZBULOJE:

Pse janë kaq të aftë njerëzit që të bëjnë sikur asgjë nuk është përgjegjësia e tyre apo faj i tyre? Për çfarë mund të marrësh përgjegjësi këtë javë?

DITA 6

LEXO: ZANAFILLA 1:29, 30

Në Dhiatën e Re, Pali i thotë kishës se ata që nuk do të punojnë për të kontribuar, nuk do të ushqehen nga Komuniteti (2 e Thesalonikasve 3:10). Edhe para mëkatit, njerëzit duhet të punonin për t'u ushqyer. Adami dhe Eva duhet të kujdeseshin për kopshtin, që të merrnin ushqim prej tij.

ZBULOJE:

A bën ndonjë punë që të ndihmon të hash ushqim, ndoshta duke fituar para, duke ndihmuar në përgatitjen e tij, ose duke ndihmuar me pastrimin? Nëse nuk bën shumë, si mund të fillosh të ndihmosh pak më shumë?

DITA 7

SHËNIMET E FOLËSIT:

DATA:

CILA ËSHTË E VËRTETA QË KE
MËSUAR KËTË JAVË? ÇFARË DO TË
BËSH ME TË

- SHËNIMET E PIKËVE NGA MËSIMI 1.6 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
- VARGU PËRMENDSH
- ZBULIMET _____

A I KE NOJEKUR LEXIMET NGA INICIALET E
BIBLA? SHËNO KËTU ATË QË DREJTUESIT
KE LEXUAR: _____

ÇDO GJË ishte MIRË

DITA 1

K KEMI MBËRRITUR NË MËSIMIN E FUNDIT

për krijimin. Gjatë shtatë javëve të fundit kemi zbuluar më shumë rreth identitetit tonë, duke kujtuar Atë që na ka krijuar, mënyrën si na krijoi, dhe disa arsye për të cilat Ai na krijoi.

Në këtë mësim të fundit duam të kujtojmë edhe diçka tjetër shumë të rëndësishme: Kur Perëndia përfundoi krijimin e gjithçkaje, përfshirë njerëzit e parë, Ai tha se ishte mirë.

PROVO KËTË :

Mund të vendosësh një kosh plehrash në një cep të dhomës dhe të marrësh disa letra të përdorura, t'i mbledhësh dhe të përpiqesh t'i hedhësh brenda në kosh nga larg. Pas disa gjuajtjeve prove, formoni një radhë.

Pasi të gjithë kanë gjuajtur pesë herë, mat distancën mes letrave që nuk u futën brenda dhe koshit, pastaj shënoji këtu poshtë.

Mund të jetë kështu:

2 - brenda në kosh

1 - 15 cm larg koshit

1 - 0,9 m larg koshit


1 - 2.7 m larg koshit

SHËNO PËRFUNDIMET E TUA MË POSHTË :

DITA 2

LEXO: ZANAFILLA 1:31

Në sporte nuk fitohen pikë, edhe nëse je shumë afër. Ose godet në shenjë, ose jo. Topi ose e kalon vijën, ose jo. Megjithatë, kur bëhet fjalë për njerëzit, ne priremi të gjykojmë veten dhe të tjerët në një shkallë nga e mira tek e keqja. Diçka e tillë si:



Ndoshta vetja – ose dikush tjetër që njeh – të duket shumë i mirë në matematikë, shumë i mirë në anglisht, jo shumë i mirë në voleyboll, dhe me trup e dhëmbë jo në gjendje të mirë. Dhe në një shkallë krahasimi të vetes me njëri-tjetrin, këto vlerësime mund të kenë kuptim. (Ose mund të jenë tërësisht të gabuara!)

Por ne nuk filluam të ishim të mirë në disa gjëra e jo aq të mirë në disa të tjera.

Vargu i fundit të Zanafilla 1 na tregon se kur Perëndia përfundoi krijimin, Ai tha se gjithçka ishte shumë mirë. Çdo goditje ishte brenda koshit. Asgjë që Ai bëri nuk ishte pothuajse mirë. As nuk ishte 'mjaftueshëm mirë'. Ai nuk tha se mollët ishin më të mira se krokodilët, apo se grerëzat nuk ishin aq krijim i mirë sa Saturni. Ai e konsideroi të gjithë krijimin shumë të mirë.

Kjo përfshinte edhe njerëzit e parë. Ata ishin krijuar sipas shëmbëlltyrës së Perëndisë dhe ishin shumë mirë. Ai ishte i kënaqur me rezultatin, edhe ata ishin po ashtu. Ata ishin bërë aq mirë sa nuk dinin as të mburrëshin me atë që ishin. Duke qenë se ishin pa mëkat, ata nuk kishin nevojë as për rroba për t'u mbuluar (Zanafilla 2:25). Ata ishin aq të përsosur siç i kishte kishte bërë Perëndia.

Ndoshta ti je kritiku më i madh i vetes, ose mund të jesh kritikues ndaj të tjerëve, por për ta kuptuar vërtet veten (dhe këdo tjetër), duhet të besosh se plani i Perëndisë për mendjen, trupin dhe shpirtin tënd ishte plotësisht i përsosur. Perëndia nuk bën gjëra të padobishme. Gjithçka e krijuar është për lavdinë e Tij (Romakëve 11:26; Kolosianëve 1:16). Kjo të përfshin edhe ty.

Por çfarë ndodhi? Përse ne nuk jemi moralisht të mirë? Përse disa njerëz janë më të zgjuar ose më të bukur se të tjerët dhe përse asnjëri prej nesh nuk është i përsosur? Ti e di përgjigjen e kësaj dhe do të fillojmë të kuptojmë se si mëkati ndryshoi gjithçka kur të studiojmë nga Zanafilla 3, në kapitullin tjetër. Tani për tani, kujto që problemi nuk qëndron te mënyra si Perëndia të krijoj. Ai bën vetëm gjëra që janë shumë të mira.




FJALË KYÇ:

Mirësi e vërtetë: një standard i përcaktuar nga Perëndia

MENDIM KYÇ:

Perëndia bëri çdo gjë dhe çdo gjë që Ai bëri ishte e mirë.



VARGU KYÇ:

Atëherë Perëndia shikoi të gjitha ato që kishte bërë, dhe ja, ishte shumë mirë. Kështu erdhi mbrëmja dhe pastaj erdhi mëngjesi: dita e gjashtë.

Zanafilla 1:31

Përdor hapësirën më poshtë si ndihmë për ta kujtuar këtë varg. Mund të shkruash, vizatosh ose të shënosh si të jetë më mirë për ty.

Çfarë e bën diçka të mirë? Duke qenë se me këtë pyetje rrezikojmë të na shpërthejë truri, ja cila është mënyra më e mirë për të përcaktuar çfarë është e mirë: Diçka është e mirë, nëse e ka bërë Perëndia. Dhe diçka është e mirë, nëse Perëndia thotë se është e mirë. Ai është standardi përfundimtar me të cilin ne masin mirësinë e gjithçkaje.

Kështu që, kur Perëndia pa gjithçka që kishte bërë në fund të ditës së gjashtë dhe tha se ishte shumë mirë, do të thotë se ishte vërtet shumë mirë, duke marrë parasysh përcaktimin që dhamë për të mirën.

DITA 3

LEXO: ZANAFILLA 1:31

Nëse do të flisnim për një konkurs bukurie, nuk do të ishte e drejtë. Konkurrentët nuk mund të jenë edhe juria, por Perëndia është të dyja këto. Nëse Ai bën diçka, ajo gjë është e mirë. Nëse Ai e quan diçka të mirë, ajo është mirësi. Mirësia e vërtetë përcaktohet vetëm nga Perëndia dhe askush tjetër (Isaia 5:20).

ZBULOJE:

A përipiqesh ndonjëherë të jesh edhe konkurrent edhe juri? Kujt i beson që të të tregojë çfarë është e mirë dhe çfarë jo? Pse?

DITA 4

LEXO: ZANAFILLA 2:9

Si njerëz të krijuar sipas shëmbëlltyrës së Perëndisë, kuptimin e së mirës e marrim nga Ai. Ai bëri pemë për Adamin, që ishin të këndshme për t'u parë dhe të mira për t'u ngrënë nga ai. Përse Adamit iu dukën të këndshme? Atij iu dukën të këndshme, sepse Perëndia i kishte bërë të mira për Adamin. Perëndia na ka dhënë gjithashtu aftësinë për të shijuar atë që Ai e quan shumë të mirë (Jakobi 1:17).

ZBULOJE:

Nëse Perëndia të bëri ty shumë mirë sipas planit të vet dhe bëri ushqim shumë të mirë që ti të hash, a mendon se Ai kënaqet kur sheh se ti po shijon krijimin e Tij shumë të mirë? Përse po ose jo?

DITA 5

LEXO: ZANAFILLA 2:18

Pothuajse asnjëherë Bibla nuk e përdor fjalën *nuk është mirë*, përveçse në rastet kur flet për diçka që dikush e ka bërë gabim. Në këtë rast, fjala *nuk është mirë* nuk i referohet mëkatit, këto fjale këtu përdoren për ta bërë tokën një vend më të mirë për Adamin. Perëndia e dinte se Adamit i duhej një person tjetër që bota të ishte e plotë. Ne kemi nevojë për njerëzit e tjerë, sepse Perëndia na ka modeluar për t'i bërë gjërat së bashku (1 e Korintasve 12:12).

ZBULOJE:

Cilët janë njerëzit e tu të preferuar me të cilët do të punojë? Si do të ndryshonte puna jote, nëse ata nuk do të ishin aty?

DITA 6

LEXO: ROMAKËVE 1:19, 20

Perëndia do që krijimi që Ai vetë ka bërë të mund ta njohë Atë. Ai do që ne të kuptojmë sa i mirë është Ai, duke parë se sa i mirë është krijimi i Tij. Kur ne nuk pranojmë se Ai është Krijuesi i çdo gjëje të mirë, ne e refuzojmë atë si Perëndi.

ZBULOJE:

Çfarë na mëson bota rreth nesh për punën e Perëndisë? Nëse kjo është mënyra si Zoti punon, atëherë si duhet të punosh ti?

DITA 7

SHËNIMET E FOLËSIT:

DATA:

CILA ËSHTË E VËRTETA QË KE
MËSUAR KËTË JAVË? ÇFARË DO TË
BËSH ME TË?

- SHËNIMET E PIKËVE NGA MËSIMI 1.7 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
 VARGU PËRMENDSH
 ZBULIMET

A I KE NOJEKUR LEXIMET NGA INICIALET E
BIBLA? SHËNO KËTU ATË QË DREJTUESIT
KE LEXUAR:

NË FILLIM ... VENDI I DUHUR PËR TË NISUR

një histori. Kujto se kjo nuk është historia e një njeriu, por historia e Perëndisë dhe tregon për Të. Ne jemi një pjesë e historisë dhe pika më e lartë e krijimit, por mos harro se gjithçka ka të bëjë vetëm me Perëndinë. Në fillim, Perëndia krijoi qiejt dhe tokën. Ka shumë rëndësi si nis historia. Deri në këtë pikë të historisë, gjithçka është e mrekullueshme! Perëndia bëri gjithçka mirë. Çdo gjë ishte e përsosur. Ne u bëmë sipas shëmbëlltyrës së Tij. Ai na do aq shumë, sa na dha disa kufij për të na mbrojtur, disa gjëra për të bërë, sepse Ai na çmon dhe na bëri unikë që asgjë në gjithë krijimin të mos ketë lidhjen që ne kemi me Perëndinë. Le të kalojmë pak kohë duke përsëritur disa nga çështjet e shtatë javëve të fundit.

ALTAIR

DENEB

VEGA

DITA 1

1.1 PARA SE TË NISTE FILLIMI



Në fillim ishte Fjala dhe Fjala ishte pranë Perëndisë, dhe Fjala ishte Perëndi. Ai (fjala) ishte në fillim me Perëndinë. Të gjitha gjërat u bënë me anë të tij (fjala), dhe pa atë nuk u bë asnjë nga ato që u bënë.

Gjoni 1:1-3

ZBULOJE :

Përshtkruaj gjënë më të rëndësishme që ke marrë nga ky mësim.



FJALË KYÇ: Zanafilla: fillimet, krijimi ose brezat

MENDIM KYÇ: Në mësimin II mësuam se Fjala, Jezusi, Perëndia është Krijuesi i pakrijuar.

DITA 2

1.2 NGA ASGJËJA



VARGU KYÇ

(Siç është shkruar: “Unë të bëra atin e shumë kombeve”), para Perëndisë që ai besoi, i cili u jep jetë të vdekurve dhe thërret ato që nuk janë, sikur të ishin.

Romakëve 4:17

ZBULOJE :

Përshekruaj gjënë më të rëndësishme që ke marrë nga ky mësim.



FJALË KYÇ :

Creatio ex nihilo:
Krijimi nga asgjëja

MENDIM KYÇ :

Në mësimin 1.2 mësuam se në krijim Perëndia bëri gjithçka nga asgjëja.

DITA 3

1.3 IMAGO DEI - UNË JAM I/E VEÇANTË



Kështu Perëndia krijoi njeriun sipas shëmbëlltyrës së vet, sipas shëmbëlltyrës së Perëndisë; Ai krijoi mashkullin e femrën.

Zanafilla 1:27

ZBULOJE:

Përshkruaj gjënë më të rëndësishme që ke marrë nga ky mësim.



FJALË KYÇ:

Imago Dei: shëmbëlltyra e Perëndisë

MENDIM KYÇ:

Në mësimin 1.3 mësuam se jemi krijuar sipas shëmbëlltyrës së Perëndisë.

DITA 4

1.4 KUFIJTË- UNË JAM I KUFIZUAR



VARGU KYÇ

*Ku ishe kur unë hidhja themelet e tokës?
Thuaje, në rast se ke aq zgjuarsi. Kur i caktova
një kufi dhe i vendosa shufra hekuri dhe porta,
dhe thashë: "Ti do të arrish deri këtu, por jo më
tutje; këtu do të ndalen valët e tua krenare?"*

Jobi 38:4, 10-11

ZBULOJE :

Përshkruaj gjënë më të rëndësishme që ke marrë nga ky mësim.



FJALË KYÇ : Kufi: diçka që tregon kufizim apo limit

MENDIM KYÇ :

Në mësimin 1.4 mësuam se Perëndia i vendosi kufij Adamit dhe Evës. Ai na vendos kufij edhe ne gjithashtu.

DITA 5

1.5 MASHKULLI DHE FEMRA-UNË NUK JAM VETËM



VARGU KYÇ

Por në fillim të krijimit, Perëndia i bëri mashkull e femër.

Marku 10:6

ZBULOJE:

Përshekruaj gjënë më të rëndësishme që ke marrë nga ky mësim.



FJALË KYÇ:

Unik: të mos kesh të ngjashëm apo të barabartë, i pakrahasueshëm

MENDIM KYÇ:

Në mësimin 1.5 mësuam se Perëndia e bëri njeriun si pjesa e veçantë dhe unike e krijimit të Tij.



DITA 6

1.6 SUNDIMI-KAM GJËRA PËR TË BËRË



VARGU KYÇ

Pastaj Perëndia tha: “Ta bëjmë njeriun sipas shëmbëlltyrës sonë dhe në ngjasim me ne, dhe të ushtrojë sundimin e tij mbi peshqit e detit, mbi zogjtë e qiellit, mbi kafshët e mbi gjithë tokën, mbi rrëshqanorët që zvarriten mbi dhe.”

Zanafilla 1:26

ZBULOJE :

Përkrahuj gjënë më të rëndësishme që ke marrë nga ky mësim.



FJALË KYÇ:

Thirrje: qëllimi që Perëndia ka për jetën tënde

MENDIM KYÇ:

Në Mësimin 1.6 mësuam se Perëndia ka krijuar secilin prej nesh për një qëllim specifik.

PRIJE KËTË PJESË DHE VENDOSE DIKU KU MUND TA SHOHËSH ÇDO DITË.

MENDO PËR GJITHÇKA QË KE MËSUAR NË SHTATË JAVËT E FUNDIT. PËRDORE HAPËSIRËN E MËPOSHTME PËR TË SHKRUAR NJË MENDIM, FJALË, VARG APO MËSIM QË DUHET TA KUJTOSH GJITHMONË KUR MENDON PËR KRIJIMIN.

DITA 7

1.7 GJITHÇKA ISHTE MIRË



VARGU KYÇ

Atëherë Perëndia shikoi të gjitha ato që kishte bërë, dhe ja, ishte shumë mirë. Kështu erdhi mbrëmja dhe pastaj erdhi mëngjesi: dita e gjashtë.

Zanafilla 1:31

ZBULOJE :

Përshkruaj gjënë më të rëndësishme që ke marrë nga ky mësim.



FJALË KYÇ:

Mirësia e vërtetë: një standard i vendosur nga Perëndia

MENDIM KYÇ:

Në mësimin 1.7 mësuam se Perëndia bëri gjithçka dhe gjithçka që Ai bëri ishte mirë.

- SHËNIMET E PIKËVE NGA KAPITULLI 1 PËR SHPËRBLIME -

- VEPRIMTARIA HYRËSE FIRMA E DREJTUESIT DATA
- VARGU PËRMENDSH
- ZBULIMET _____

A I KE NOJEKUR LEXIMET NGA INICIALET E
BIBLA? SHËNO KËTU ATË QË DREJTUESIT
KE LEXUAR: _____